



## Րաֆֆի

### Պանդորայի տուփը

Գայթակղոսի աստիճան  
Ստանում է նենգ Հասուն,  
Չարանախսանձ դևերի  
Խառնվում է նա դասուն:

Երբ Հռովմեն դեպ Պոլիս  
Կամեր հորդել ճանապարհ,  
Կրկին անգամ նա գնաց  
Պագնել պապի գարշապար:

Անսխալական հովիվը  
Տվեց նրան փոքրիկ տուփ,  
Նա դրոշմված էր կնիքով,  
Ուներ վերան ամուր խուփ:

Ա՛ն այս տուփը, նա ասաց,  
Դա կըլինի քեզ պիտանի,  
Դորանով դու կորսաս  
Որդիքը Հայաստանի:

Տա՛ր քեզի հետ այդ տուփը  
Այդպես կնքված, այդպես փակ,  
Դորա մեջն է ամփոփված  
Մեր նպատակը, մեր փափագ:

Կախարդական այդ տուփը,  
Ունի յուր մեջ մեծ խորհուրդ,  
Կը հիմարացնէ հայոց  
Թեթևամիտ ժողովուրդ:

Ուր որ բացես դու դորան,  
Կըցնորվին հայոց որդիք,  
Նորա կըմոռնան յուրյանց  
Ազգ և կրոն, հայրենիք:

Նորա կըմոռնան յուրյանց  
Բնական լեզուն մայրենի,  
Եվ ազգային ողջ ծեսեր,  
Ավանգոյությունք հայրենի:

Եվ լատինական ոգվով  
Կսկսեն խոսել և դատել,  
Լատինական ծեսերով՝  
Մեր աստվածները պաշտել:

Լատին կըլինեն ազգությամբ  
Հայերն այնուհետև,  
Մեր կրոնը կըպնդվի  
Նոցա մեջ երկարատև:

Ուրախ ուրախ ընդունեց  
Պապից տուփը նենգ Հասուն,  
Դիմեց դեպի Բյուզանդիոն  
Նեոի որդին սոլասուն:

Ազգավաճառ այդ Վասակ  
Բացեց այնտեղ տուփը գոց,  
Սորա մեջն է դուրս վազեց  
Վառուն կրակ, ծուխ և բոց:

Եղբայրն եղբորից բաժանվեց,  
Հայրն ուրացավ յուր որդին,  
Կինը թողեց ամուսին,  
Տիրեց ախտը ժանդախտին:

Հայկա հարազատ որդիք  
Սկսան միմյանց ատել,  
Խմել միմյանց արյունը,  
Եվ միմյանց միսն ուտել:

Վատիկանի գագաթեն`  
Պապը խիստ ուրախ սրտով  
Այդ արյունոտ հանդեսին  
Աչք էր ածում անվրդով: